

THIRD CHUUK STATE CONSTITUTIONAL CONVENTION

Weno, Chuuk
Federated States of Micronesia 96942

4th Day (Thursday) February 4, 2004 10:00 p.m.

CALL TO ORDER

Ammafen Camillo Noket, President-in ei Third Chuuk State Constitutional Convention, a suki aulingatin ranin mwiich an ei Third Chuuk State Constitutional Convention, kulok 11:00 lesosorun Aruu, February 4, 2004, me lon ewe House chamber, Chuuk State Legislature.

President Noket: A poputa mwiich. Delegates repwe iotek non monomon.

MOMENT OF SILENT PRAYER

Emon me emon ekkewe delegates irr mei mommot lon lenian mwiich a pusin iotek lon monomon mwen poputan mwiich.

President Noket: Delegates repwe kokko it.

ROLL CALL

Murin ewe iotek monomon, Chief Clerk Paul a kokkori iten ekkewe delegates ir mei nom lon lenien mwiich iwe ukukkun 13 delegates mei ponuweni iter emon ese nom. Iten ekkewe delegates ir mei nom lon mwiich ikkei: Delegate Mori, Delegate Nifon, Delegate Rosokow, Delegate Sirom, Delegate Sitan, Delegate Stephen, Delegate William Eradio, Delegate William Keiuo, Delegate Williander, Chairman Fritz, Floor Leader Harper, Vice President Aten and President Noket.

Chief Clerk Paul: Mr. President, ukukkun delegates mei poluweni iter lon ei sosoran 13 emon mei absent mei wor quorum.

President Noket: Kinisou chapwur chief Clerk. lei fansoun adoption of journal. Floor Harper?

ADOPTION OF JOURNAL

Floor Leader Harper: Kilisou chapwur Mr. President. Ua fori motion pwe convention ika mwichelap a pass-ini journalun lon ewe February 2 me 3, 2004 with the understanding pwe ika mei wor an emon delegate correction ngeni an porous epwap ngeni secretary an epwe correct-ini iwe epwap reflected on the next journal.

Delegate Tuter a seken ngeni ewe motion.

President Noket: A mwokut a pwan seken pwe mwiich ika convention epwe ettiwa journalun non ewe February 2 me 3, 2004 nge ika ewe wora an emon correction

non an porous epwap churi secretary siwini ika afata met pungun an porous. Ese chuen wor an emon memef won ewe motion. Ika pwe ese wor, sipwe utut won.

Delegates: Uu.

President Noket: Chon rese tipeew repwe apasa aap.

Delegates: no response.

President Noket: Motion a carried. Chief Clerk?

Chief Clerk Paul: Mr. President, mei wor communication ina mei attached ren ena Order of Businessese, echo a feito seni omw office fan iten ew petition seni aramasen Etten non Tonoas Municipality ren ar re mochen repwele winiti ew minafon municipaliy. Aruachon communication a pwal seni chok ofesin President fan asengesin echo taropwe noun Acting AG Joses Gallen ngeni ewe milapen Finance ren ar repwe release-sei ekewe allowance checks ngeni ekkewe members of the Pre-Convention committee ir mei chuen put on hold tori ikenai.

President Noket: Kinisou chapwur. Chief Clerk sotosopono.

Chief Clerk Paul: Unfinished Business ese wor, Reports of Committee proposals ese wor, First reading of committee proposals ese wor, Second reading of committee proposals ese wor, Final reading of proposed constitutional amendements ese wor, Consideration of resolutions ese wor, Introduction me Referral of delegate proposals and resolutions? Special Order ese wor.

President Noket: Ruacho ekkei mei introduced, ren ena referral sheet No. 3-02 ina mei pwan attached a refer ngeni asinesin on Referral ren ekkewe proposals ee introduced nanew iwe a pwal afata meni committees epwe lo ngeni. Kilisou Mr. President.

President Noket: Kinisou. Floor Leader Harper?

Floor Leader Harper: Ren chok an epwe fatefateoch lon nouch record fengen me amweliche ewe committee ika pwe epwe angang won ena echo proposal No. 3-4 ena a introduced seni ach we Mortlock delegation ena e era to amend section 10 article 7 epwe ekewil ena section 10 ngeni section 9. Upwe chok uweta pwe epwe fat lon nouch record pwe esap ina ena section epwe amended pwe section 9.

President Noket: Sipwe asoso ekis.

Mwiichelap a mo ekis asoso iwe a pwal sotosopolo.

President Noket: Sa pwan sotosopono. Won ena referral sheet No. 3-02 ika mi wor an emon memef? Ew chok seni ei seea, ika pwe ekkena assignments ngeni

ekkena committee e wenen nuku pwe mei pwan relevent ngeni ew committee men pwan nom won, mi eoch pwe ewe chairman epwe pusin churi ewe chief clerk ika secretary an epwe tongeni anenia ena concern ika mi wor, pwan ew committee ee ekieki pwe mei relevent ngeni ew proposal an epwe chu ika fen pwan re ekieki pwe ewe committee epwe kon auchea an epwe angang won nge mi mang epwe pwan churi secretary. Kinisou chapwur. Iwe iei sa tori Miscellaneous Business ika mei wor met seni emmon me emon delegate. Delegate Sirom?

MISCELLANEOUS BUSINESS

Delegate Sirom: Kilisou chapter Mr. President. Ua chok anean pwe amo ita a fatefateoch ika meni me lein ekkewe sipwele fiti. Ika sipwele angang fengen ika sipwe committee me committee pwe ai luku pwe iei a fen assigned ekkei measures ekkei subjects ngeni ekkei committees nge sipwele fat ika inget sipwele poputa le angang committee me committee. Ua men aucheani pwe amo ita lekuniol ei chok epwe fat ika meni leir sipwe fiti. Kilisou chapwur.

President Noket: Pokiten ma any measure a assigned ngeni ami we committee a ma ngeni ami we committee jurisdiction an authority ren chairman epwene wisen awota met kokotun an kewe committee ar repwene chufengen, organize ika repwene angang, sechedule-ini met ar hearing, nge met we si porous won ren ion sipwe tongeni kokkorato ar repwe tongeni uwato ar aninis ngenikich ika si mochen an epwe wor ekkena sakun aninis seni ach we ofesin Governor me pwan Legislature me pwan ian kewe sipwe ekieki iwe ani mi eoch ekkewe committees repwene fen organize ra angei ekkewe proposals iwe ra fori recomentation ngeni ewe ofes ika ewe secretary ika io kan sakun aramas au mochen ar repwe tori ami mwiich ne pwerata nour kewe meinap ika ofes meinisin ika, iwe ika sipwe organize iwe sia tongeni kokkorir ar repwe ngenikich ar aninis, iwe nge ren ami aupwe organize ika ewe committee epwe organize iwe ra poputa ne review-ni me schedule-ni meta kan ar angang won ekkewe proposals a torir epwe ina wisen ekkewe committees seni ita epwe seni nanew tori iei. Kinisou chapwur. Floor Leader Harper?

Floor Leader Harper: Kilisou Mr. President. Esap ren ach sipwe atepwalepwala ekkewe committees lon ar angang, sisap pwal ariafouu ar fansoun, nge ita upwele chok ii awora ai tingor ngeni ekkewe committes ika pwe repwe nenengeni ekkena proposals ra introduced lon ei fansoun nge ika pwe esap ekkoch substantial amendments ngeni nouch we constitution, iwe met ngawen ar repwele ma sipitonalong ach sipwele anganga iwe sipwap ma nengei ika sipwe pass-ini ika sisap pass-ini nge ren met kena ma si luku pwe mi ekkoch waten akasiwil ngeni nouch na constitution iwe repwele fen ngeni ma fansoun an epwe unuseoch hearing won, iwe nge ren ekkena chok ekkoch minor amendments ren ekkoch chok akasiwil ika met kan nge esap kon pwan affect-ini nouch we constitution ita upwe tingor pwe repwe poputa le akanganga. Kilisou chapwur.

President Noket: Kinisou chapwur Floor Leader. Ika mei pwan wor an emon miscellaneous. Delegate Harper?

Delegate Harper: Mr. President, use silei ika sa nom won item 15 ika si chuen nom won Miscellaneous?

President Noket: lei simi chuen nom won Miscellaneous. Delegate Rosokow?

Delegate Rosokow: Mr. President, mei wor ai concern ai upwe uweta, nge epwe ifa usun ren ach sipwele....?ewe constitution ika pwe simi mang iwe usun ngang upwal wewengaw ren ew me ew ekkan committee proposal ach sipwe mwiichelap won ach sipwe screen-in iwe a ifa usun nonomun ekkewe proposals?

President Noket: Floor Leader Harper ika kopwe ponuweni ena kapas eis?

Floor Leader Harper: Mr. President, kese mochen upwe tingor sipwe mo asoso.

President Noket: Mwiichenap a asoso.

Mwiichelap a mo ekis asoso iwe apwal sopolopolu.

President Noket: Mwiich a pwan niwin sefan. Ika mei chuen wor miscellaneous? Echo chok ei miscellaneous business pwe ei seea epwe pwan kinisou ngeni ekkewe delegates seni Northern Namoneas ar kan awora refreshment non ei convention ikenai nge epwe nom non record pwe a men wate. Kinisou. lei fansoun Announcements. Delegate Sitan?

ANNOUNCEMENTS

Delegate Sitan: Pokiten a wor ekkena ekkoch proposals ngeni omw we committee won Public Finance and Revenue, ita upwe tingor ngeni members won ach we committee pwe sipwe chufengen murin chok mwiichelap this afternoon ach sipwe plan-ini mwokutukutun ach angang.

President Noket: Delegate Nifon? Kinisou Mr. President, upwe pwan chok tingor ngeni monun ewe General Provisins Committee sipwe chufengen chok non ach we committee room saren chok ach ei mwiichelap ach sipwe nenengeni chok ekkewe fitacho proposals a assigned ngeni ach we committee. Kinisou.

President Noket: Kinisou chapwur delegate Nifon. Delegate Rosokow?

Delegate Rosokow: Kinisou Mr. President. Upwe tingor ngeni monun omw we committee won Civil Liberties and Traditions ach sipwe chufengen kulok 1:00 ikeanai. Killisou.

President Noket: Delegate Stephen?

Delegate Stephen: Kinisou chapwur Mr. President. Omw we committee won Government Structure and Functions iwe a it seni kem ekkena timen neran iwe.....au pwan mochen mwiich ikenai am aupwe pwan ma mon iwe nge epwe kunok fita iwe

ekewe unungat ra chufengen pwe napengeni kich mei overlap, two or three committees? Ita ina ena auchea ngang upwe tingor ngeni chairmanun ekkewe committees pwe aupwe fen chufengen... ach sipwe amasa fengeni ach schedule.

President Noket: Mwiich epwe mo asoso.

Mwiichelap a mo ekis asoso iwe a pwal sopusopolo.

President Noket: Ai ekieki mei eoch pwe ma mi overlap ami schedule, ese tongeni epwe chok mwiich fan ew ekkena committee nge sipwe pachfengen meinisin chon ew, pachfengen meinisin chon ew...mwich a niwin sefalita nge iei kich mei chuen nonom won Announcements. Floor Leader Harper?

Floor Leader Harper: Kilisou chapwur Mr. President. Ren chok an epwe fat lon record, upwe fori ew announcement ngeni nouch kewe chairmen meinisin pwe epwe wor ach chufengen lefilan kulok 8:30 me 9:00 lesor ika mi wor manaw me pechekul. Kilisou.

President Noket: Kinisou chapter Floor Leader. Sopusopono Announcement. Delegate Mori?

Delegate Mori: Kinisou Mr. President. Omusano esap ii omw we committee won Style and Arrangement ei pwe esamo auchea an epwene angang nge mei chok wor ekis announcement seni ach we delegation seni Faichuk ren ami delegates meinisin ika epwe wor fansoun ar repwe ekis amoneta ren enimu an epwe wor ekis an ach we commission ee mochen epwe amongoni ei convention. Ren neni me exact time ina epwe tow by invitation ngeni delegates meinisin. Ach ei sisap akufu an Weno we nge sipwe chok apuru. Kinisou.

President Noket: Iwe ewe ew miscellaneous a fen pwan nom non Announcement, sa pwan kuna, kinisou chapwur. Iei fansoun ika mei chuen wor Announcements. Floor Leader Harper?

Floor Leader Harper: Kilisou chapwur Mr. President. Pokiten ese chuen wor Announcements seni delegates, ia fori motion pwe mwiichelap a pwal sarelo ikenai epwap pwal liwin sefal kulok 10:00 lesosorun lesor.

Delegate Mori a seken ngeni ewe motion.

President Noket: A mwokut a pwan seken pwe mwiich a sar sipwap chufengen nesor kunok 10:00. Chon tipeew ngeni pwe mwiich a sar repwe apasa uu.

Delegates: Uu.

President Noket: Chon rese tipeew ngeni repwe apasa app.

Delegates: No response.

President Noket: Ach mwiich a sar.

Mwiichelap a sarelo kulok 11:25 a.m.

A katolong seni.

Hernack Paul
Chief Clerk
Third Chuuk State Constitutional Convention